



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

LII. Samuelis ortus, educatio, gesta.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

perniciōsus in liberos amor inchoavit: protrulit
 ſorum ejus improbitas: præcipitavit in Hebræos ju-
 rā, Philisteōsque juſtiſſimus DEI dolor, & indigna-
 tio.

NARRATIO LII.

SAMUELIS PROPHETÆ, ET ULTIMI HEBRÆORUM JUDICIS ORTUS, EDUCATIO, GESTA.

Lib. I. Reg. c. 1. 2. 3. 7. 8. Anno Mundi 2900.
 Ante Chriſtum. 1152.

HElī Pontifice ſimul ac Judice populi, rebus
 mortalibus, in eum, quem ſuperiore narra-
 tione retulimus, modum exemptō; ſubro-
 gatus in divinis Achitōbuſeſt, Helis ex *Phinea* filio, ne-
 pos; in profanis autem, ac civili republica Samuel,
 qui tamen præter Iudiciariæ dignitatis ordinariam
 provinciam, privilegiō beneficii, functus extraordi-
 nario Sacerdotiō, Sacris nonnunquam operabatur.
 Parentem is habuit *Elcanam*, urbis *Ramāthæ* incolam,
 virum nobilem & opulentum. Hic cū pro anni-
 verſaria religione, Paſchalia, unā cum familia cele-
 braret in *ſilunte*, ubi tum Oraculi Divini conſtitutum
 erat Tabernaculum; accidit, ut Annæ uxori, tam
 virtutibus diviti, quā liberis inopi, altera conjunx,
 eaque ſecundaria, *Phenenna* nomine (polygamis e-
 nim id temporis eſſe licebat) ſterilitatis probrum
 obijceret; ſeque cum filiis inter epulas ſacrificales

lu

superbè circumspiciens (nam ex macratis victimis, dapes pro numero capitum distribuebantur) fecunditate sua gloriaretur; Annâ simul quidem sed quia sine prole, ideo sine honore, discumbente.

Excussit ea res lacrimas afflictissimæ matronæ; præsertim cum non tam epulas, quàm opprobria sibi videret apponi. Maritus non minùs Sapienciâ, quàm pietate præstans; haud ignarus, decus matrimonij magis animi, quàm fortunæ bonis esse metiendum, testari suos amores Annæ: docere felicitatem conjugalis consortij, non ex numerosa tantum prole, sed maximè, nobilitate & virtute conjugum æstimari oportere; mæstitiam uxori multis verborum officiis abstergere; denique mentem in epularum hilaritatem erigere. Illa cibo, maritique contestatis affectibus recreata, finitis mensis, se confert ad Oraculi sedem, fiduciæ plena; mixtisque fletu suspirijs, efflictim instat apud DEUM, matrem ut se faciat; promittitque, se prolem, si masculam esset genitura, religioso ejus famulatui, perpetuò mancipaturam. Valuere preces. Concepto Votò, concipitur fætus; annò post nascitur filius, nomen cui parentes, *Samuelis* hausere. Puer etiamnum trimus, in Tabernaculo Divino cum sacrificijs sistitur, curæque Sacerdotum, imprimis Pontificis Helis committitur; cujus fausta precatio, Annæ trium insuper filiorum, duarumque filiarum fructum contulit, quintuplici fœnore, unius *Oblationem* filij pensante, qui septennis admodum, sacris admotus ministerijs, præclaram Indolem ac pietatem mirè omnibus probavit. Adolescentem deinde

ratidicus spiritus afflavit, rerumque arcanarum cognitorem effecit; cuius illustre cumprimis documentum fuit, prænuntiatio cladis, Pontificiæ familiæ impendentis.

Fortè noctu somnum intra Tabernaculi septa pro more capiebat; cùm à cœlesti genio, vocem Pontificis Helis assimilante expergefit; nihil cunctatus adolescens, sopore confestim excussus, advolat ad Pontificem, seniò, curisque confectum; seque vocatum adesse indicat. Id cùm tertium jam factum esset; neque tamen senex, ullò verbò Samuelis Somnum interpellâset; suspicatus id, quod erat, jubet puerum in lectulum se recipere: denuòque excitatum, compellantis voluntatem exquirere. Redi aspectabili specie Angelus, aperit minas à Divina Iustitia cùm Helianæ Domui privatim, tum Israëlitis omnibus incubituras; nam & *Arcam* Sacram à Philistæis capiendam, & præter publicam populi stragem, extremas omni familiæ Pontificiæ calamitates superventuras; causam eorum cladum esse, nimiam Helis in sceleratos filios lenitatem. Quibus ad Pontificem à Samuele renuntiatis, præclaram vocem edidit, quâ præparatum in divinam animadversionem animum declarabat, religiosa mentis æquitate, sese, futuras in clades componens.

Cæterum Samuelis virilem ætatem ingressi gloria, magnis apud populum incrementis augebatur; reverentiam quippe & observantiam insignem conciliabant secretorum divinitus præmonstratorum enuntiationes, eventis ipsis confirmatæ, adeò, ut à Moïsi usque temporibus, nemo Samueli, ne comparandus quidem, post Samuelem verò, oppidò paucis-

superiores illò fuisse, videantur. Quare, Prætoris gubernaculis admotus illicò, sub Helis excessum, eam reipublicæ tractandæ rationem sequi cœpit, ut meritò *Iuris* omnis ac legum, & æquitatis, dici *Sacerdos* meruerit: munerum omnium, quæ vulgò corrumpere tribunalia solent, osor ac detestator; præsertim verò idolorum cultum, aliâque vitia, Helis negligentia vel exorta, vel roborata, mirâ facundia, constantiaque ex Hebræorum manibus, animisque extorsit.

Subinde commitiis omnium tribuum convocatis, ejusdem Prætoris auctoritate, conventum est *Maspham*, *Benjamiticæ* Tribûs urbem. Quò loco, cum & aquæ cæremoniâ, situlis ac hydrijs effusæ, suas animas effundere se totas DEO, & idolomaniam eliminare pectoribus, testarentur: & precibus, jejunijs, impietatisque confessæ detestatione, clamoribus magnis, cum Numine fœdus integrarent: Non potuit latere Philisthæos ille Hebræorum conventus, quorum rebelles, ut falsò opinabantur, molitiones disjecturi, mox valido cum exercitu superveniunt, rati, sese ad pugnam imparatos, nullò negotiò oppressuros. Consternati re subita Judæi, ad Samuel, tanquam ad communem parentem trepidè, concurrunt, consilium rebus dubijs petunt, ejusque pro salute publica preces, & auxilium implorant. Samuel ad divinam conversus opem, arripit propere lactentem agnum, integrumque sacrificat super aram, in holocaustum. Dum ardet victima, trepidatque metu populus, ecce tibi; hostis in conspectu aciem explicat, præsentemque stragem omnibus intonat. Tum verò DEUS repente pro suis arma

impedit; nam conglobatis, momento, densis toto
 celo nubibus; ac fragore tonitruum aures, fulgu-
 ribus oculos, igneque caelesti barbarorum capita
 ferientibus, terraque sub pedibus intremente, hostes
 in terrorem dati, spem omnem in fuga posuere. In-
 sequitur cum suis Samuel, & dorso fugientium cæ-
 dit. Nec cædendi finem facit, quoad *Bethcharis* ad
 campos, eos longo spatiò profligaret; eum videli-
 cet ad vicum, in quo cæsus, cum filiis Helis, Israë-
 lites, strage novissima, Philisthæis & Arcam cesse-
 rat & victoriam. Loco in memoriam accepti be-
 neficii perennem *Lapis* est impositus, *adjutori* nomine,
 a Samuele insignitus. Philisthæi post eam cladem,
 instaurare bellum non ausi, se fines intra suos ex-
 eo tempore continuere; Hebræi vexatione tributi
 liberati civitates amissas recuperarunt, alias vi capi-
 endo, alias in deditionem accipiendo.

Quibus rebus gestis, Samuel conventibus Juri di-
 cendo, per certas urbes institutis, ipse quotannis eas
 obibat, & judicia tractabat; donec senio gravante,
 filiis *Ioeli* & *Abia*, aliquem in finibus regni principa-
 tum, & Reipublicæ curam tradidit; qui relictis pa-
 ternis institutis, diversissimam ingressi viam, mune-
 ribus corrupti, jus non dicebant, sed vendebant; so-
 luti in luxum ac delicias, tum DEI jussa, tum
 patris (cujus absentiâ, quippe in urbe Ramatha ha-
 bitantis, ad scelera sua abutebantur) contemnere,
 graviterque apud populum offendere; tanta tamen
 dissimulatione, ut ea filiorum labe ad aures Samue-
 lis non penetraret; tantum familiæ suæ dedecus
 minimè laturi, si compertum habuisset; cum inno-
 cens esse nemo possit, qui suos tolerat nocentes.

P

Non

Non latuit tamen multitudinem popularem; unde digna visa res est Tribuum optimatibus; cuius postulatio deferretur ad Samuelem: Sed præter hanc causam, aliunde quoque cupidè, tam populus quàm Primores, eam querelæ publicæ, tam votis suis opportunam occasionem amplexabantur: quod hoc ingressu videbant, sibi pariter & Judicum abolendorum, & Regis efflagitandi, præclarissimam famam offerri. Importunis igitur vocibus à Samuele contendunt, ut, quoniam ipsi per senium deesset facultas: filijs autem voluntas benè gerendæ Reipublicæ, subrogaret aliquem, qui nomine regio, toti genti cum imperio præesset, togæque muneribus & militiæ moderaretur.

Samuel etsi jure poterat ferre gravius & suam de re communi optimè meriti exauctorationem; & filiorum, præter juris ordinem, nulloque concessione emendationis tempore, repudiationem; neque enim ab extremo continuo veniendum ad aliud extremum: sed media prætentanda; nullum tamen durius sibi verbum elabi passus, id unum respondit, se super ea re Divinum Oraculum consulturum. Responsò Numinis acceptò, cum enarratis, regij dominatûs acerbitatibus, populum à perficaci rerum novarum studio dimovere nequiret; pollicitus se se petitores, malæ rei privatae, publicæque consulentes, voti facturum compotes, discessit. Nec multo post Comitibus, in Maspham indictis, regem eis, quem jam ante, divinitus edoctus, Secretò inunxerat, per sortitionem dedit, *saulem*, filium *cisi* de Tribu Benjaminide; at infelix electio importuna ex merito castigabit vota, serò sapientes suodamno docens.

id, quod invito à cœlo petitur, male peti, de quo
mox infra; ubi reliqua quoque Samuelis gesta per-
sequemur.

NARRATIO LIII.

SAULIS IN REGEM HEBRÆORUM ELE-

CTIO. 1. Reg. 9. 10. 11. 12. Anno Mundi
2962. Ante Christum. 1091.

SAulem producimus, exordiô suû lætum, mediô
varium, exitu lacrimabilem, & execrandum.
Non enim perinde, ac orienti Phæbo, usque
cadenti; ridet vultus. Israëlitæ, ut supra memo-
ravi, cùm nollent amplius per ora *Iudicum* sibi
iura dari, Samuelem, qui Prætoriam Præfectu-
ram ultimus administrârat, adeunt, & *Regem*,
cæterarum more gentium sibi præfici postulant.
Quem dum ille circumspicit; fatorum tunc ignaro,
non tam *Casus*, quàm mirifica *Providentiæ* cælestis ma-
nus obtulit. Erant *Ciso*, Saulis parenti, *Gabæ* civi,
complures ad fæturam, & vecturas asinæ, quarum,
ut saltuosus in locis sit, per incuriam pastoris, nume-
rosa pars aberrârat ab armento. Saules comite
servorum uno, requisitis necquicquam per varia lo-
ca jumentis, in Samuelem Vatem incidit, ac super
asinarum statu consulit. Hic jubet eum securum
esse pecudum, & animum ad potiora destinata, re-
positaque Palæstinæ bona porrigere; quippe mox
fu-